

**Tönd tara tulsem wusg n rat n bang sil'awā sēn yōsg ne  
AhluSūna sēn kēed ne loεεgā wεεngē? D ratame t'y kō - d  
vēenem n paase.**

Gom-łεbgdā: A Huseeni wedraogo

Guls-rεmsdā: A Būnkūngu umar

**D pēgda Wēnde.**

Sil'a wā yaa zāma toor-toore, tı b zāma sānda ya kıfr-damba  
tı bala b tūuda a Alı, la b leb n boond a Alı, la b tūuda a Fatmata la a  
Huseeni, la zēng sēn pa bamba.

La be b sukā, neb sēn yet: T'a Malεk a Gibrılıl zāmba boblā, tı  
bala, nabiyaamdma be ne a Alı kae, pa be ne a Mohamad ye.

Neb sānda me n be b sukā, tı b boond-b tı "ımaamiya" tıyaa  
bamb me la b sēn boon tı "Sil'a ısna'asariıya" wā, bamb me tūuda a  
Alı, B leb n yetame tı bamb taor rambā yııda nabiyaam dambā, la  
malεkrambā.

La b zāma wā yaa toor-toore, sānda yaa kıfr-damba, tı sānda pa  
kıfr-damb ye, la b zāma ning yel sēn tug n yaa yol-yol yaa b zāma nins  
sēn ye t'a Alı sāw a seena ABuubakar, la seena umaru la seena  
usmaane, rēn zāma kangā pa kıfr-damb ye, la b bee tudgr pūgē, tı  
bala a Alı yaa Wēnnaam Tēn-tuım lεdsbā a naas-n-soaba, t'a  
Abuubakar ne a umaru la a usmaan yııd-a lame, rēn ned ning sēn  
yεela t'a Alı yııda bamba b tāabā, a soab tudgame, tı bala gomd  
kanga yōsga ne Wēnnaam tēn-tuım Sahaabsā fāa sēn zems taab koεεg  
ninga zugu, la gom-kangā pa yiisd-a dīinā pūgē ye,

Sil'a wā leb n yaa zāma, buk-buka, la b yaa zāma zāma sēn yııd  
taaba, la ned ning sēn rat n banga rēnda bı a karem moembā gaf-  
rambā, wala gaf ning b sēn boond tı " Al-Hıtııt Al Arııdah" sēn yaa  
mor a "Mıhyı-ddīin Al-Hatııb" gafā, la gaf ning b sēn boond tı "

Minhaag Al-Sūnna", sēn yaa mo-kasēng b sēn boond t'a IbnuTaymiya gafo. La gaf ramb a taab sēn gomd Sūnna la Sıı'awā yelle, sēn yaa "ıhsaan ılaahii Zoahir" gafo, la zēng sēn pa rēnda, gaf ramb wusgo, sēn gomd yel kānga zug, n wilg b menengā la b tuudgā, D kota Wēnd t'A gū-d n yi b wēengā.

La b wēeng sēn tug n yud, yaa zāma ning b sēn boond tı "ısna'asarıya wā" la zāma ning b sēn boond tı " nusoyrıya wā" rēn yaa bamb la b sēn boond tı "Raafıda" wā, tı bala b tōdga a Zayd sēn ya a Alı biigā yelle, wakat ning a sēn tōdg t'a pa n zāag a meng ne a seen a ımaru ne a seena a Abubakar ye, tı yı sabab tı b bas-a, la b yōsg ne-a.

Rēn d sōmb n bāngame tı pa ned ning fāa sēn yet t'a yaa lıslaam bal n yaa lıslaam hakıık ye. Rēn ned ning fāa sēn yeela t'a yaa lıslaama, d sōmb n ges a togsgā, tı ned ning sēn tū a Wēnd a ye, la a kō sıd ne a Nabiyaama, la a pug Nabiyaama sēn wane būmb ningā, yē soab la Lıslaama, la a soabā sã n yeel tı yēnda yaa lıslaama la a yaool n yōk a Fatmat ne a Badawı n tūudē tı b ya soaba, la a tūud a Aydaruusi, rēn yē soab pa Lıslaam ye, D kota Wēnd t'A maan-d gūudum la A gū-d n yi b wēengā.

Leb n yaa woto bala nēd ning sēn sābsa, la a tu dīinā maa a basa Puusgo , yē soab me pa tōe n yı lıslaam ye, maa a yaala dīinā, maa a yaala Puusg la Zak la No-loeere, maa a yaala Nabiyaam a Mohāmad (pıug la tulgr be a yīnga), maa a yags-a lame, maa a yeelame t'a yaa zıta, maa a yeelame t'a pa pids Tēntūmdmā ye, maa a pa taas taasga ye, bamb ye kam fāa yaa kıfre, D kota Wēnd t'A kō-d laafı la A maan-d gūudm.(goamā saame) yaa a seek Bun Baaz sogsg legsgā a yemre(257/28).